

चैत्यभजनानुशासनावदान



भाषानवादक
पण्डित, कविराज, ज्योतिष
मोहन राज वज्राचार्य
भिच्छेवाहाल, ललितपुर ।

चैत्यभजनानुर्गुण सावदान

भाषानुवादक

पण्डित, कविराज, ज्योतिष

मोहन राज वज्राचार्य

भिखेबाहा, ललितपुर ।

२

प्रकाशक—

मन्त्रसिद्धि महाविहारया

वज्राचार्य चिनीकाजी

कान्तिपुर, ठह्रिटी, बवाबाहा ।

साधुवाद

लोकजनपित चैर्यव्रत यायेगु मन वंकेया
निर्ति थुगु चैर्य ब्रतानुशंसा प्रकाश यायेगु
ईच्छा ताया प्रकाश याह्य मन्त्रसिद्धि महा
विहारया वज्राचार्य कान्तिपुर ठंहिटी
क्वावहालस चोनह्य चिनिकाजी वज्राचार्य
यात जिगु दुनुगलं निसें साधुवाद बिया ।

भाषानुवादक.-

मोहनराज वज्राचार्य

ॐ नमो बुद्धाय

यनंलि चक्रवर्ती अशोक महाराजां
सद्धर्म कथा न्यनेगु इच्छा याना मंत्री सैन्य
पिसं सहित याना कुक्कुटाराम महाविहारे घना
उपगुप्त भिक्षुयात बन्दना व पूजाभाव याना
थगां न्यया हाजोजलपा पृथ्वी मण्डले पुच्छि
चुया हे गुरु चैत्य स्थापना यानागु व चैत्य
सेवा यानागुया छु पुण्य लाना च्वन शुगु धर्म
यागुस्वं आज्ञा दय्का बिज्याहुं धका अशोक
महाराजां विन्ति पासेंलि उपगुप्त भिक्षुं
आज्ञा दय्का बिज्यात । हे महाराज परा-
पुर्बकाखे पणपुरी सहरे अतिबांलाना च्वंगु
अनेक प्रकारया सिमां शोभा दया फलफुलं
ठ्यासमान जुया ताय् व सिमानं शोभाय्मान

जुया च्वंगु महामति विश्वभद्रयागु चम्पक
 धयागु बर्गिचाय् शष्टाङ्ग गुणं सहितगु लखं
 पुरे जुया च्वंगु पुखुया सिधे तग्गोगु लवहंफाटे
 श्री शाक्यसिंह भगवान विज्याना च्वंगु बखते
 सकल ब्रह्मा बिशणु महेश्वर धृतराष्ट्र विरूरुक
 बिरूपाक्ष कुवेर इन्द्रादि देवतापिं यक्ष गन्धर्व
 किन्नर राक्षस दैत्य राजा राजापिं महाजनपिं
 देश देशं व वपिं ग्रामे च्वंपिं सकल लोकजन
 पिं वया सद्धर्म कथा न्यने धका वया च्वंपिंगु
 सभा मण्डले भिक्षुपिसं सहित याना विज्याना
 श्री शाक्यसिंह भगवानं सुचेतन सिंचु सहित
 सकल सभालोकयात चैत्य स्थापना यानागु व
 चैत्य सेवा यानागुया पुण्यफल आज्ञा दय्का
 बिज्यागु थुगु खं जिं कने हे अशोक महाराज
 छं एकचित्त याना न्यं भगवानं आज्ञा दय्का
 बिज्यागु थुगु खं गथे धालसा हे सभालोकपिं
 यदि छिमे चैत्य भजना याय्गु इच्छा जूसा

महा उत्साह याना पर्वते वा थन हे जूसां चैत्य
स्थापना याना श्रद्धाभक्ति तथा पूजा याः
श्रद्धां भावभक्तिं पूजा यानागु संख्याहे मदेक
पुण्य लाना च्वन धका भगवानपिसं कनातल
भगवानपिसं श्रद्धामात्र हे जक स्वइ श्रद्धा
मतसे यानागु कर्म (कार्य) या फल भतीचा
मात्र जक फल लाना च्वनः कोटिकल्प सहस्र
तपस्या यासां विना श्रद्धां यानागु कार्य सिद्ध
जुइमखु अथेया निंतिं श्रद्धा तथा विधि
विधानथे' चायागु आदि चैत्य दय्का स्थापना
याना एकचित्त याना पूजा या तथा (धुगु
प्रकारं) अष्ट धातु (लुँ, वह, सिज, केँहँ,
जस्ता, ह्यः, नँ, ली) आदिं यागु, सिं यागु,
लोहं यागु, जा यागु, फि यागु आदिं चैत्य
दय्का श्रद्धाभक्ति चैत्य पूजा यानागु कर्म
कार्य सिद्ध जुइ फुक्क धर्म कर्मे श्रद्धार्थे तथंगु
मदु धका आज्ञा दय्का विज्यात । फुक्क

दान पारमिता आदि धर्म कर्म माता (मां)
हे भद्रा जुया च्वन अथेया नितिं दानशीलादि
चर्यासः संम्यक्संबुद्ध बोधिज्ञान लाय्गु इच्छा
याःपिसं जतन याना भद्रातया पूजाभक्तिया
थथे धका सीका थुगु प्रकारं चा यागु जूसानं
दय्का भद्रां छन्हु जक जूसानं स्थापना याना
पूजा या भद्रा तया स्वंग वा न्याग वा ह्यग्ग
वा गुंग वा शच्छिग वा दोच्छिग वा लाख
पर्यन्त चैत्य दय्का स्थापना याना पूजा यायी
गुगु थुगु लक्ष चैत्य व्रत सदाकालं याना पूजा
याइ थुह्म मनुष्यया सम्पूर्ण पाप नाश जुया
सुखावती जन्म कावनी अन सुखावती भुवने
सदाकालं अमिताभ तथागत यात्त नमस्कार
याना सद्धर्म कथा न्यना बोधिचित्त प्राप्त
जुइ थनंलि थुह्मसिया आत्मा शुद्ध जुया
बोधिज्ञान लाय्गु इच्छा याना बोधिचर्या
व्रते चले याना पुण्यात्माह्य महासस्व जुई

थनंली पापयात जिते याना मारगणयात जिते
याना साचात् अर्हत् पद लाना संम्यक्संबुद्ध
बोधिज्ञान लाह्य जुइ धका भगवानं आज्ञा
दय्का बिज्यागु सभा मण्डले च्वंप्पिं सकल
लोकपिसं सुचेतन भिच्छुं न्यना बोध जुया
अतिहर्ष याना ह्मिथं २ भगवान धका नां
कया एकाग्र चित्त याना चैत्ययागु भजना
याना च्वन । थुगु पुण्ययागु प्रभावं उपद्रव
छुं मदया शुभ मंगल जुल सकल लोकपिनि
रोग मदया धनी जुया चैत्य व्रत याय्गुली
हर्षमान याना च्वन ।

थनंलि हाकनं भगवानं आज्ञा दय्का
बिज्यात ह्मापा जुया वंप्पिं भगवानप्पिं आः
जुया च्वंप्पिं बुद्धप्पिं थुगुहे लच्च चैत्य व्रत
याना बोधिज्ञान लाना भगवान जुल । जिनं
थ्व हे लच्च चैत्य व्रत यानागु पुण्यं भगवाम

जुया । हे सुचेतन भिक्षु फतसा जीव दत्तत्थं
 सदाकालं लक्ष्मचैत्यं व्रत याः मफुसा दल्लि तक
 याः दल्लि तकनं याये मफुसा लल्लि २ जक
 जूसां याः लल्लि तकनं याये मफुसा बाल्लि जक
 जूसां याः बाल्लि नं याये मफुसा न्हेनु बा
 न्यान्हु बा स्वन्हु बा छन्हु जक जूसां यथा
 विधिथे' लक्ष्मचैत्यं व्रत याना पूजा याः लक्ष्म
 चैत्यं व्रत याय्गु विशेषनं श्रावण मैहासः
 याय् बा कार्तिक मैहासनं पुही खुनु याय्गु
 उत्तम जुया च्वन । पर्व कालेनं उत्तम जुया
 च्वन थुगु प्रकारं सु मनुष्यपिसं व्रत मध्ये
 राजा जुया च्वंगु लक्ष्मचैत्यं व्रत याइ थुह्म
 मनुष्यया पाप नाश जुया मार जिते याना
 बोधिज्ञान लाःह्म जुइ धका भगवानं आज्ञा
 दय्का विज्यागु न्यना अन सभास च्वंपिं
 गुलिस्स्यां २ चैत्य पूजा यानागुया पुण्यफल
 न्यनेगु इच्छा याना च्वंगु सीका सुचेतन

भिच्छु थः च्वना च्वनागु थासं दना वना
 पृथ्वीस पुलिं चुया थःगां न्यया हाजोजलपा
 पूजाभाव व वन्दना याना थुगु प्रकारं भग-
 वान थाके बिन्ती यात हे भगवान लक्ष्मचैत्य
 ब्रत यायेगु विधि पुण्यफल आज्ञा दय्का
 बिज्याहुं थुगु खं न्यनेगु इच्छा जुल धका
 सुचेतन भिच्छुं न्यसेलि भगवानं आज्ञा
 दय्का बिज्यात ।

हे सुचेतन भिच्छु सु मनुष्यपिसं गुगु
 बखते लक्ष्मचैत्य ब्रत यायेगु इच्छा याइ थुगु
 बखते भिग्नु थासे विहारे भगवानपिंगु थासे
 फलेचा वा मथे चैत्य क्षेत्रे बगिंचाः नर्दायागु
 किनारे दहंया किनारे पुखुया सिथे तीर्थे वने
 धर्मशालाः शुद्धगुछे बांलाका साखि (गोमलं)
 लेपन याना पिनेनं पञ्चगव्यं हा हा याना
 इक्षां प्यना चामर (छ्वामो) प्यंगु कुने प्यंगु

ध्वजा तये अग्नि कुने धर्मध्वज नैऋत्ये रत्न
 ध्वज वायुव्य पद्म ध्वज ईशाने चक्र ध्वज
 तथापाट वस्त्र स्वांमाप्यना खाया शोभायमान
 याना (बांलाका) बांलाक धर्मशाला दयेके
 धुसैलि लक्ष्मचैत्य व्रत याइपिसं न्ह्यतु खुनु
 दति वं याना शुचि स्नान (मोल्हुया) वया
 शति खुनुनं मोल्हुया शुद्धगु (निंगु) वस्त्रं पुना
 पञ्चगव्यं कायवाक्चित्त शोधन याना निराहार
 याना (मनसे) जलाहार (लंख पालं याना)
 अथवा क्षीर पालं याना लैं आदिं फलाहार
 याना व्रत याये । अथवा पञ्चगव्य पालं याना
 वा निराहार (द्यां लाना) छसा जक नथा
 निरासिष (लाः न्या, मद्यपान) मनसे लक्ष्म
 चैत्य व्रत याये । थ्व लक्ष्मचैत्य व्रत यायेत
 हापां शुद्धगु भूमी भिंगु चा कया पञ्चगव्य
 लखं चा हाय् थनंलि चा ग्वारा तयागु थल
 (भारा) थिया बैरोचनयागु धारणी २१

नीलको तक बवना शोधन याये थनंलि श्व
चा कया ववातुक छाकः ग्वारा चिना चिकने
बुला थासास सोथने कोतेले अले चा स्वाह्वाना
गर्भे पञ्चरत्न तय् लुँयागु आख्यो तय् थनंलि
थासां पिकया भिंगु आसने तये आसने तय्
धुंसेंलि पञ्चोपचार (स्वां, धूप, दीप, नैवद्य)
नं पूजा याना दक्षिणानं छाय् अष्टाङ्ग प्रणाम
(हृदयं, शिरं, दृष्टिं, मनं, वचनं, पाद निपां,
ह्वातं, पुलि निगलं) नमस्कार याना ल्हा
बिन्ति याना गद्य पद्य आदियागु स्तोत्र याये
हर्ष याना म्यँहाला संतोष याना थमं याना
तयागु पाप देशना याये थुगु पुण्यं सत्वप्राणि
पि उद्धार जुइमा धका पुण्यानुमोदना याये ।
सत्वप्राणिपि सुगति लाय्मा धका प्रार्थना
या । थनंलि पञ्चामृत सहित याना क्षीर छाया
फलफूलनं छाये । अले नमस्कार याना ल्हा

निपां हाजोजलपा चमाफोना यथा विधिथे
विसर्जन याये ।

थुगु प्रकारं हिंहिं लक्ष्मैत्य १०००००
लाख तकं थाना पूजा याना लाख धंसेंलि
यथा विधिथे लक्ष्मैत्य पूजा याना व्रत पूर्ण
(विसर्जन याना) फुक्क लक्ष्मैत्य नदी चुय्के
ठ्ठया यथा विधिथे नाग राजापि पूजा याना
व्रत पूर्ण यायेधुंका विधि विधानथे कुमारी
पूजा याना गणचक्र पूजा याना संतोष याये ।
थुगु प्रकारं चैत्य व्रत यानागुया धर्म पुण्य
आपालं दया च्चन थुगु धर्म सकल सत्व
प्राणिपित कल्याण यायेत अर्पण याना
तोतावी । बुद्धिमान जुया च्चंहासे लक्ष्मैत्य
व्रत थुगु प्रकारं यात धालमा थुह्य मनुष्यया
थुगु जन्मे चित्त शुद्ध जुया संम्यक्संबुद्ध गुण
लाह्य जुइ । थनंलि सुखार्थ वीर्य पराक्रम

दुह्य जुया बोधिज्ञान लाना बोधिसत्व महा
 सरव जुया अन्ते भगवान जुया जन्म जुइ ।
 हे सुचेतन भिक्षु थथे धका सीका बोधिज्ञान
 लाय्गु इच्छा याना लक्ष्मैत्य व्रत याये ।
 थुलि लक्ष्मैत्य व्रत यायेगु विधि विधान कना
 आःहानं विशेषं थ्व लक्ष्मैत्य व्रत यानागुया
 पुण्य फल जिं कने एक चित्त यानान्यं ।

हे सुचेतन भिक्षु सुनां प्रशन्नगु चित्त
 याना श्रद्धा तथा लक्ष्मैत्य व्रत यायेत शुद्धगु
 मूमी चा कया हया बी थुह्य मनुष्य थुगु
 चा या धू प्रमाणं स्वर्गे देवतापिनि राजा जुया
 जन्म जुया अन्ते बोधिज्ञान लाना भगवान
 जुइ ॥ १ ॥ पञ्चगव्य, पञ्चरत्न, पञ्चगन्ध,
 त्वाक छ्याना समन्तभद्रयागु मन्त्रं ह्यधा
 वना चा ह्यागुलिं निरोगी जुया आयु बढे
 जुया मोक्ष पद लाई ॥ २ ॥ शुद्ध चित्त याना

चा ग्वारा सुनां शोधन याइ थुह्य मनुष्य
स्वर्गे जन्म जूसां मर्त्यमण्डले जन्म जूसां
राजा जुया जन्म जुइ ॥३॥ थ्व चा कयागु
पुण्यं भूमी दान यानागु समान पुण्य लाना
बुद्धिमान जुया चक्रवर्ती राजा जुया जन्म
जुइ ॥४॥ चा ग्वारा चिनागु पुण्यं रागंमुक्त
जुया बलवान जुया बुद्धिमान जुया देव
मनुष्यया राजा जुया संम्यक्संबुद्ध भगवान
जुइ ॥५॥ चा चिकने बुलागुलिं सुन्दरह्य
बांलाह्य सद्धर्म गुणं सहित जुया बुद्धिमान
जुया स्वर्गे मर्त्यमण्डले हर्ष सुखं च्वने दुह्य
जुइ ॥६॥ चा ग्वारा थासाः होते दुह्योयागुलिं
रोग मदुह्य जुया पुण्य चित्तह्य सत्य धर्मे
च्वंह्य जुइ ॥७॥ चा क्वतेला जाय्क तयागुलिं
पराकमी जुया कुवेर समानं धनी जुया
महात्यागिह्य विद्यावान जुया पुण्यात्माह्य

जुड ॥८॥ चा त्वाःलहानालिं सुपुत्रह्य सन्तान
 दया सुन्दरह्य बलवानह्य राजा जुया जन्म
 जुड ॥९॥ धातुरत्न अक्षत्र (आखे) गर्भे
 तयागुलिं पूर्ण शरीर जुया दयावान जस बुद्धि
 बलं सहितह्य जुया महाज्ञानि सम्पूर्ण विद्या
 कलाया मालिक जुया बोधिसत्व जुया
 चतुर्द्विपया राजा जुया अन्ते भगवान जुया
 वनी ॥१०॥ पिने पिकयागुलिं बुद्धिमानी
 पुत्रवान पराक्रमीह्य तेजस्वीह्य राजा जुया
 धर्मया राजा भगवान जुया वनी ॥११॥
 भिगु आसने तयागुलिं चक्रवर्ती राजा जुया
 अन्ते भगवान जुया वनी ॥१२॥ पञ्चामृत,
 पञ्च सुगन्धया लखं चैत्य स्नान याकागुलिं
 आकाश गंगासः दिव्यसुगन्धगु लखे मोल्हुया
 नीर्मलगु शरीर जुया अन्ते बुद्ध जुया वनी
 ॥१३॥ नंस्वागु धूप थनागुलिं शोक संताप
 मदुह्य सकसिनं नमस्कार याना माने याइह्य

देव मनुष्यया राजा जुइ ॥१४॥ सम्बुद्ध
 भगवानयागु चैत्ये पञ्चगन्धं लेपन यानागुलिं
 रत्न समानगु सुगन्ध वासना दुगु शरीर जुया
 सदाकालं देव मनुष्यया राजा जुइ ॥१५॥
 उत्तमगु वस्त्र जजंका चैत्य छायागुलिं दीव्य
 वस्त्रं पुनेदुह्य संम्यक्संबुद्ध चर्याः चले याईह्य
 जुइ ॥१६॥ सुनां चैत्य फुक्क जातजातया
 स्वानं पूजा याइ थुह्य निरोगीह्य कीर्ति
 संयुक्तह्य भाग्यमानीह्य जुइ ॥१७॥ सुनां
 चित्र विचित्रं स्वांमा हना चैत्ये स्वांमा छाइ
 थुह्य देव मनुष्यया राजा जुया धर्मे चले
 याइह्य आनन्दह्य जुइ ॥१८॥ सुनां चैत्ये
 मत बी मत वळय्की थुह्य सुखं युक्तह्य दिव्य
 नेत्र (थीगु मिखा) जुया ऋद्धि पराक्रम दुह्य
 बुद्धिमानी धर्मे चले याइह्य जुया जन्म
 काई ॥१९॥ सुनां चैत्ये चाकमत वळय्की
 थुह्यसिया निर्मलगु मिखा जुया पुरुषार्थीह्य

सुन्दर रूपह्य शुद्ध चित्तह्य राजा जुया जन्म
जुइ ॥२०॥ रसं सहितगु नैवद्य सुनां चैत्ये छाइ
थुह्य काय्वाकचित्त शुद्धह्य स्वर्ग मर्त्यया राजा
ऋद्धि दुह्य जुया जन्म जुइ ॥२१॥ पथ्यागु
(निंगु) लै आदिं फलफूल सुनां चैत्ये छाइ
थुह्य कामशील भोगी ऋद्धि दुह्य संम्यक्-
संवुद्ध बोधिज्ञाने चले याइह्य जुइ ॥२२॥ सुनां
चैत्ये उत्तमगु रसायन आदि वास छाइ थुह्य
सिया रोग आदि दुःख मदुह्य गुणीकह्य जुया
जन्म जुइ ॥२३॥ चैत्ये ग्वे, ग्वाः पाचक आदिं
छाइ थुह्यसिया सुन्दर मनोहरगु रुप जुया
बुद्ध भक्ति लगे जूह्य राजा जुया जन्म जुइ ॥२४॥
सुनां चैत्ये प्रशन्नगु चित्त याना इलां तइ थुह्य
मनु विशाल बंशह्य उत्तमगु कीर्ति युक्तह्य गुणं
सहितह्य राजा जुइ ॥२५॥ सुनां चैत्येरत्नं
सहित याना ध्वजा (ध्वाँय्) छाइ थुह्य धर्मिया
मालिक जुया दुष्ट तय्त जिते याय् फुह्य स्वर्ग

मर्त्यया राजा जुइ ॥२६॥ सुनां चैत्ये चित्र
 बिछित्रयागु पता छाइ पता प्यनी थुह्य लक्ष्मीं
 सहितह्य दुष्ट मारयात जिते याय् फुह्य स्वर्गे
 मर्त्ये राजा जुइ ॥२७॥ सुनां चैत्ये रत्न आदि
 द्यौं दयेका तथागु छत्र वा कोमलगु पाट
 वस्त्रयागु वा लुँयागु, सीयागु छत्र दयेका छत्र
 छाई थुह्य मनुष्य सत्तरत्नं सहितह्य विद्याया
 राजा लक्ष्मीया मालिक उत्तमगु शरीरह्य
 सुखीह्य बोधिचर्या ब्रत चले याइह्य राजा जुया
 जन्म जुइ ॥२८॥ सुनां चैत्ये हर्ष याना बाजा
 थाना म्यँहाला प्याखँ हुया उत्सव याना
 भजना याई थुह्य मनुष्य दिव्यकर्ण (आपालं
 तापागु ताःगु) न्हेंपंह्य बुद्धधर्म न्यनेदुगु न्हेंपं
 दुह्य राजा जुया जन्म जुइ ॥२९॥ सुनां लक्ष्मी
 चैत्य रक्षा यायेया निंति दुष्टतेत हते याना
 च्वनी थुह्य मनुष्यया रोग मदया बलवानह्य
 भाग्यमानी गुणं सहितह्य जुइ ॥३०॥ सुनां

धातु रत्न चैत्ये लाई थुह्य मनुष्यया शोक
मदया शुभ कल्याण जुया सुखं संयुक्त जुया
सम्पूर्ण धन सम्पत्ति पूर्णगु भगदार धुकु दुह्य
जुया इन्द्रियं पूर्णम्ह मनोरथ पूर्णह्य जुया
जन्म जुइ ॥३१॥ सुनां चैत्ये चाःहुला प्रद-
क्षिणा याई थुह्य मनुष्यया पाप मुक्त जुया
शुद्धगु चित्त जुया हिंहिं धर्म शब्द न्यना
बोधिज्ञाने घले याईह्य जुइ ॥३२॥ सुनां चैत्ये
प्रशन्न चित्त याना स्तोत्र याई थुह्य मनुष्य
देव मनुष्यया राजा जुया भगवानपिसँ आज्ञा
दयेका बिज्यागु धर्म कथा न्यनीह्य जुइ ॥३३॥
मन प्रशन्न याना सुनां चैत्ये ध्यान याना
चैत्यया मन्त्र जपे याइ थुह्य मनुष्य संम्यक्-
संबोधि रत्न लाना बोधिसत्त्व जुइ ॥३४॥
सुनां अष्टाङ्ग प्रणाम याना चैत्ये नमस्कार
याइ थुह्य मनुष्य सकलया राजा जुया बोधि
ज्ञान लाना भगवान जुया वनी ॥३५॥ सुनां

लक्ष्मचैत्य व्रत याना च्वंगु स्वया हर्ष याना
 खुशी जुइ थुह्य मनुष्ययात तुल्य मदुगु पुण्य
 फल लाइ ॥३६॥ सुनां चैत्य भजना यानागु
 फुक्क पुण्य धर्म संम्यक्संबोधि ज्ञान लायेमा
 धका परिणामना याइ थुह्य मनुष्य बोधिज्ञान
 लाना भगवान जुया वनी ॥३७॥ थुगु लक्ष्म
 चैत्य व्रत यानागुलिं निश्चयनं थजागु पुण्य
 लाना प्रसिद्धह्य मनुष्य जुइ धका सीका चा
 यागु मात्र जक जूसां चैत्य आदर तथा दयेका
 भजना या ॥३८॥ सुं गुह्यं मचातसें धुलं
 जक चैत्य दयेका पूजा यात धासां थुगु पुण्य
 यागु प्रभावं संम्यक्संबोधि ज्ञान लाना भगवान
 जुई ॥ सुनां फियागु मात्र चैत्य दयेका पूजा
 यातसां थुकेयागु पुण्य असंख्य आपालं दया
 च्वन धका भगवानपिसं कना तल ॥ फियागु
 चैत्य दयेका पूजा यानागुया सिकं जायागु
 चैत्य दयेका भजना यानागु दुगंछि पुण्य फल

लाना च्वन ॥ जायागु चैत्य दयेका भजना
 यानागुया सिकं दुगंछि अःपायागु चैत्य दयेका
 भजना यानागु पुण्यफल लाना च्वन ॥ अःपा
 यागु चैत्य दयेका भजना यानागुया सिकं
 दुगंछि सियागु चैत्य दयेका भजना यानागु
 पुण्यफल लाना च्वन ॥ सियागु चैत्य दयेका
 भजना यानागु सिकं दुगंछि ल्वँहंया चैत्य
 दयेका भजना यानागु पुण्यफल लाना च्वन ॥
 ल्वँहंयागु चैत्य दयेका भजना यानागुया सिकं
 दुगंछि नँयागु चैत्य दयेका भजना यानागु
 पुण्यफल लाना च्वन ॥ नँयागु चैत्य दयेका
 भजना यानागुया सिकं दुगंछि ह्यःयागु चैत्य
 दयेका भजना यानागु पुण्यफल लाना च्वन ॥
 ह्यःयागु चैत्य दयेका भजना यानागुया सिकं
 दुगंछि केँलहँयागु चैत्य दयेका भजना यानागु
 पुण्यफल लाना च्वन ॥ केँलहँयागु चैत्य दयेका
 भजना यानागुया सिकं दुगंछि सिजयागु चैत्य

दयेका भजना यानागु पुण्यफल लाना च्वन ॥
सिजयागु चौत्य दयेका भजना यानागुया
सिकं दुगंछि लीयागु चौत्य दयेका भजना
यानागु पुण्यफल लाना च्वन ॥ लीयागु चौत्य
दयेका भजना यानागुया सिकं दुगंछि केँयागु
चौत्य दयेका भजना यानागु पुण्यफल लाना
च्वन ॥ केँयागु चौत्य दयेका भजना यानागुया
सिकं दुगंछि वहयागु चौत्य दयेका भजना
यानागु पुण्यफल लाना च्वन । वहयागु चौत्य
दयेका भजना यानागुया सिकं दुगंछि लुँयागु
चौत्य दयेका भजना यानागु पुण्यफल लाना
च्वन ॥ लुँयागु चौत्य दयेका भजना यानागुया
सिकं दुगंछि रत्नयागु दयेका भजना यानागु
पुण्यफल लाना च्वन । गथे हेरा आदि रत्नया
थःथःगु गुणया अनुरूपया प्रमाणं मूल्य बना
च्वन थ्वहे प्रमाणं पुण्यफल लाई धका भग-
वानपिसं कना तल ॥ थथे थुगु प्रकारं पुण्य

फल लाई धका सीका भगवानपिनिगु चैत्या
मूर्ति रत्नयागु बा लुँयागु, धातुयागु, जायागु
सियागु, अःपायागु, चायागु, ल्वँहंयागु, धू
यागु, चैत्या दयेका शुद्धचित्त याना सत्कार
याना बोधिज्ञान लाय्गु कामना याना पूजा
भक्ति या ॥ थुगु प्रकारं शुद्धगु कापते चैत्या
चवया श्रद्धा तया सदाकालं पूजा भक्ति या ॥
सुनां कापते चवया तगु चैत्या स्वया हर्ष चित्त
याना सत्कार याना भक्तिभाव याना पूजा
याई थुह्य मनुष्याया दक्क पाप फुना शुद्ध
चित्त जुया पुण्याफल ज्ञाना संम्यक्संबोधि
ज्ञान लायेगु चित्त जूह्य सुख भोग याना धर्मे
चले याह्य जुइ ॥ थनंलि अद्धि दुह्य पुण्या
धर्मे लगे जूह्य धर्म रक्षा याह्य सत्त्वार्थ याईह्य
जुया अन्ते बोधिज्ञान लाह्य जुइ ॥ सुनां
अंगले (भित्ताः) चवयातःगु चैत्या स्वया प्रशन्न
चित्त याना भजना याई थुह्य मनुष्य संपूर्ण

धर्म पुण्य लाना संम्याक्संबोधि ज्ञान लाभ
जुह्य जुइ ॥ सुं गुह्यं मचातेसें भूमी बा
ल्वहंते बा अःपास प्रशन्न चित्त याना चौत्या
चवया पूजा याना भाव भक्ति याइ थजापिं
मस्तेतः थुगु पुण्ययागु प्रभावं बोधिज्ञानया
थल(भांडा वर्तन) जुह्य जुई ॥ सुनां भूमी चौत्या
चवया तगु स्वया हर्ष याना नमस्कार याइ
थुह्य मनुष्याया संपूर्ण पाप नाश जुया
संम्याक्संबुद्ध धर्मे चले याइम्ह जुइ ॥ चौत्या
दयेका तगु स्वया चौत्या ब्रत यायेगु पुण्य
धर्मयागु सद्धर्म कथा न्याना चौत्या नमस्कार
याइ थुम्हेसित थुगु पुण्यं बोधिज्ञान लाना
भगवान जुया वनी ॥

स्वर्ग मर्त्य पाताले चौत्या सेवा यानागु
समान मेगु छुं धर्म मदु धका भगवानपिसं
आज्ञा दयेका तल । थथे धका सीका न्यागु
जत्न जुक्ति याना बोधिज्ञान लायेगु मती

तया चैत्य स्थापना याना सदाकालं भजना
या चैत्या सेवा यानागुलिं सम्पूर्णं पापं मुक्त
जुया मारयात जिते याय् फुम्ह जुया पराक्रमं
सहित जुया राजा जुया जन्म कया बोधि
ज्ञान लाना भगवान जुइ धका थुगु प्रकारं
श्री शाक्यासिंह भगवानं आज्ञा दयेका
बिज्यागु न्याना सुचेतन भिक्षुं भगवानयात
नमस्कार याना हर्षमान याना चवन ॥

इति अशोकावदानोद्धृत चैत्य भजनानुशंस
दिग्दर्शन मात्र कवयागु जुल । इति

मयूरवर्ण विहारे ललितपुर पत्तने ॥

जि जन्म जूगु नेपाली दोछि व नीछि सालसः
वज्राचार्य कुले जन्म मोहन राज नां जिगु ॥
सिधलका एव घोयागू चेनिदँ जि दुबले ॥

ग्रन्थ ग्रन्थान्तरोक्त चैत्य धाय्गु मन्त्रः-

चा शोधन यायेगु मन्त्र- ॐ नमो भगवते
वैसेचन प्रभकेतु राजाय तथागतापार्हते

संयक्संबुद्धाय ॥ तद्यथा ॥ ॐ शुद्धमे २
शुद्धमे २ शान्ते २ समारोपे अनालम्बे तलम्बे
यशो भवति महातेजे निराकुले निरालम्बे
निर्वाणे सर्वबुद्धानाधिष्ठाना धिष्ठिते स्वाहा ॥
वा कायेगु मंत्र- ॐ वसुधे स्वाहा ॥

वा ग्वारा चिनेगु मंत्र- ॐ वज्रोद्भवाय स्वाहा ॥
वा चिकने बुद्धेगु मंत्र- ॐ अरजेविरजे स्वाहा ॥
वा वासाय् दुह्योगु मन्त्र- ॐ वज्रधोतु
गर्भे स्वाहा ॥

वा वासाय् कोत्यलेगु मंत्र- ॐ वज्रमुद्गरा-
कोटय हूँ फट् ॥

वा त्वाःहाय्गु मंत्र- ॐ आ वज्रकर्ति छेदय २
हूँ फट् ॥

पञ्चरत्न, धातु, आरुये, गर्भे तय्गु मंत्र- ओं
धर्मधातु गर्भे स्वाहा ॥

वासां पिकाय्गु मंत्र- ओं धर्मरते स्वाहा ॥

शुद्धगु रत्नासने चैत्य तय्गु मंत्र- ओं
सुप्रतिष्ठित वजासने स्वाहा ॥

लेखकया प्रकाश जुइ धुं कुगु सफूत

नेपाल भाषा

१. शाक्यसिंहया वीर प्रतिज्ञा
२. मंगलाष्टक स्वस्ति वाक्य भाषा टीका
३. संसार वृत्ति साधन
४. सर्वज्ञमित्रावदान
५. रूपावत्य ब्रह्मान भगवान बुद्ध मिसा जुया जन्म जूगु
६. उपोषधावदान-अष्टमी ब्रत कथा
७. शोकशेषर वीतराग कथा
८. महावीर वीरकथा-वीर कथा
९. कर्ण-अज्ञानसावदान